



Broj: UP09-07-1-588/24  
Sarajevo, 13.05.2024. godine

Ministarstvo pravde Bosne i Hercegovine, rješavajući Zahtjev Udruženja kardiologa u Bosni i Hercegovini, sa sjedištem u Sarajevu, ulica Štrosmajerova broj 6/1, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine („Službeni glasnik BiH“, br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija („Službeni glasnik BiH“, broj: 68/18), donosi

### RJEŠENJE

1. U Registru udruženja Ministarstva pravde Bosne i Hercegovine, kod Udruženja kardiologa u Bosni i Hercegovini, sa sjedištem u Sarajevu, ulica Štrosmajerova broj 6/1, upisanog pod registarskim brojem: RU-1476, Knjiga I Registra, 07.08.2013. godine (u daljem tekstu: Udruženje), upisuju se promjene, kako slijedi:
  - 1.1 Lice ovlašteno za zastupanje Udruženja u pravnom prometu je:  
Belma Pojskić, predsjednica Udruženja.
  - 1.2 Imenovanje predsjednice i članova Upravnog odbora Udruženja.
  - 1.3 Imenovanje predsjednika Skupštine Udruženja.
2. Ovo Rješenje će se objaviti u „Službenom glasniku BiH“, o trošku podnosioca Zahtjeva.

### Obrazloženje

Udruženje kardiologa u Bosni i Hercegovini, sa sjedištem u Sarajevu, ulica Štrosmajerova broj 6/1, upisano je u Registru udruženja Ministarstva pravde Bosne i Hercegovine, pod registarskim brojem: RU-1476, Knjiga I Registra, 07.08.2013. godine, sukladno odredbama Zakona o udruženjima i fondacijama Bosne i Hercegovine („Službeni glasnik BiH“, br. 32/01, 42/03, 63/08, 76/11 i 94/16) (u daljem tekstu: Zakon).

Dana 19.02.2024. godine zaprimljen je Zahtjev Udruženja kardiologa u Bosni i Hercegovini, zastupanog po Belmi Pojskić u svojstvu novoimenovanog lica ovlaštenog za zastupanje Udruženja, za upis promjena u Registru udruženja ovog Ministarstva.

Takoder, dana 28.02.2024. godine Ministarstvo pravde Bosne i Hercegovine je zaprimilo drugi Zahtjev Udruženja kardiologa u Bosni i Hercegovini za upis promjena u Registru udruženja, zastupan po Dilić Mirzi, novoizabranom predsjedniku Udruženja kardiologa u Bosni i Hercegovini.

U svrhu potpunog i pravilnog utvrđivanja činjeničnog stanja, poštujući načela Zakona o upravnom postupku („Službeni glasnik BiH“ br.: 29/02, 12/04, 88/07, 93/09, 53/16, 41/13 i 53/16), Ministarstvo je uputilo akt, broj: UP09-07-1-588/24 od 29.02.2024. godine, kojim je od Udruženja kardiologa u Bosni i Hercegovini zatraženo izjašnjenje na podnesak zaprimljen 28.02.2024. godine, a kako bi ovo Ministarstvo moglo postupiti po Zahtjevu za upis promjena u Registru udruženja u skladu sa odredbama Zakona i Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija („Službeni glasnik BiH“, broj: 68/18) (u daljem tekstu: Pravilnik).

Izjašnjenje Udruženja kardiologa u Bosni i Hercegovini po prednjem aktu Ministarstva zaprimljeno je dana 13.03.2024. godine. Nadalje, aktom Ministarstva, broj: UP09-07-1-588/24 od

22.03.2024. godine, pozvani su prof.dr.sci. Belma Pojskić i prof.dr.sci. Mirza Dilić da u svojstvu stranke prisustvuju sastanku radi saslušanja, a koji je zakazan za dan 27.03.2024. godine. Pozivu za sastanak odazvala su se pozvana lica, a tokom sastanka voden je Zapisnik.

U toku postupka Ministarstvo je utvrdilo da Zahtjev zaprimljen 19.02.2024. godine nije potpun u smislu odredbi Zakona i Pravilnika, te da sadrži nedostatke i nepravilnosti zbog kojih nije moguće izvršiti upis promjena u Registru udruženja. Stoga je Ministarstvo aktom, broj: UP09-07-1-588/24 od 04.04.2024. godine, zatražilo ispravku i dopunu zahtjeva.

Podnosilac Zahtjeva je podneskom od 26.04.2024. godine izvršio izmjene i dopune zahtjeva, te uz Zahtjev priložio slijedeću dokumentaciju: Odluku o formiranju Komisije za verifikaciju članova Udruženja za 2023. godinu, broj: 01-3/23 od 19.02.2023. godine; Izvještaj Verifikacione komisije za članstvo 2023. godine od 04.11.2023. godine i Spisak članova u pet kantona u Federaciji BiH i Republici Srpskoj od 04.11.2023. godine; Spisak članova Udruženja na dan 09.12.2023. godine; Zapisnik sa Izborne sjednice Skupštine Udruženja od 09.12.2023. godine; Poziv za nastavak sjednice Izborne skupštine Udruženja od 28.12.2023. godine, vlastoručno potpisan od 38 članova Udruženja; Zapisnik sa nastavka Izborne sjednice Skupštine Udruženja od 03.02.2024. godine; Spisak članova Udruženja, koji svojim potpisom potvrđuju prisustvo na nastavku sjednice Izborne skupštine Udruženja dana 03.02.2024. godine; Odluku o imenovanju organa Udruženja, broj: 01/24 od 03.02.2024. godine; ovjeren vlastoručni potpis i ovjerenu fotokopiju lične karte novoimenovanog lica ovlaštenog za zastupanje Udruženja u pravnom prometu, te dokaz o uplati administrativne takse.

Nakon sagledavanja svih bitnih okolnosti predmetnog Zahtjeva, a uzimajući u obzir prvenstveno zakonom utvrđene nadležnosti ovog Ministarstva, uvidom u priloženu dokumentaciju utvrđeno je da su ispunjeni uslovi propisani članom 43. stav 2. Zakona o udruženjima i fondacijama Bosne i Hercegovine i člana 4. Pravilnika o načinu vođenja registra udruženja i fondacija Bosne i Hercegovine i stranih međunarodnih udruženja i fondacija i drugih neprofitnih organizacija za upis promjena u Registru udruženja za Udruženje kardiologa u Bosni i Hercegovini, pa je je riješeno kao u dispozitivu.

Na ovo Rješenje naplaćena je administrativna taksa u iznosu od 50,00 KM u skladu sa TAR.Brojem 108. Odluke o dopuni tarife administrativnih taksi, („Službeni glasnik BiH“ broj: 73/17).

**Pouka o pravnom lijeku:**

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



**Dostavljeno:**

- Udruženje kardiologa u Bosni i Hercegovini  
Ulica Štrosmajerova broj 6/1, 71 000 SARAJEVO;
- Zbirka isprava;
- JP NIO "Službeni list BiH".